



Aqqalu C.Jerimiassen
Atassut

UKA 2024/122
23. oktober 2024

Najukkani innuttaasunik kiisalu takornarianik nunanit allaneersunik suliarinninnissamut pisussaaffik naammassisinnaaniarlugu takornariat amerlanerpaaaffianni Kalaallit Nunaanni peqqinnissaqarfimmi peqqinnissakkut sulinneqarnermi ikiorserneqartarnissamik aaqqissuulluakkamik isumaqatigiissuteqarnissaq siunertaralugu nunarsuarmi peqqinnissakkut suliniaqatigiiffissuarmut, WHOmut, attaveqarnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Anna Wangenheim, Demokraatit)

Peqqissuserput qanoq innikkulluunniit tamatigut salliujuartassooq inuiaqatigiittut ingerlanitsinni.

Peqqissuserpullu eqqartorneqalersillugu Atassummiit oqartuartarpugut; "Ikioqquneq kanngunartuunngilaq", ila nalunngeqaarput qanoq peqqinnissaqarfipput tamaarsortigisoq, sulisui assoroogaat, qujassutissaqarfigeqaagullu.

Partiilli amerlanerulluartut inuiattut tullusimaartuunissaq toqqarpaat, "sapinngilagut pisinnaavugut" sakkuliullugu. Taamaattumillu immaqa maanna Atassummiit oqassagutta tupinnartuujunnanngilaq imannak; savalimmioriut usornarput silatusaarlutik oqartussaaffiit oqimaannerit kingulliussimamatikkit tigunissaannut, uagut oqimaannerpaaq tiguniataarsimaqaarput.

Maannalu takusinnaasatsitut, takornariaqarnikkulluunniit ineriartortsiniarnitsinni peqqinnissaqarfikkut kalluarneqagaatsiaratarsinnaanissarput aarleqqtigalugu pisalerpugut.,

Takusinnaasarpulli Atassummiit malillugu, maanna uani siunnersummut Naalakkersuisut akissuteqaateqarsimanermanni ersersippaat, sulianut tunngatillugu aaqqiissuteqartoqarsimasoq isumaqatigiissummillu (MoU).

Taamaattumillu Atassummiit naalakkersuisunut kaammattuutigiinnarumavarput, suliat ingerlateriikkat maanna piusut, soorlu nalunaarusiarineqarsimasumi 1. Maj 2024 saqqummersumi ersersinneqarsimasumi, illoqarfik ataaseq annerusumik artukkerneqarsimasoq, allat artukkerneqaqunagit naalakkersuisut suliatik nangeqqissagaat inerisaqqillugillu, nangittumillu WHO-mit suleqateqarnerup inerisaqqinnejarnissaa innersuussutigeqqiinnassavarputtaaq.

Taamatut Atassummiit oqaaseqaateqarluta, naalakkersuisut akissutaat taperserlutigu siunnersuutip ilalerneqannginnissaa kaammattuutigaarput.